

AZIL

Azil se yon fòm pwoteksyon yo akòde yon moun ki apèn rive, oubyen ki ap viv nan peyi Etazini, paske l ap kouri pou pèsekisyon. Menm jan ak refijye a, yon moun k ap mande et chèche azil ka benefisye pwoteksyon sila a, depi li rive pwouve rezon ki fè li kite peyi l la epitou ki fè li pa fouti tounen ladann nan, se paske li t ap sibi pèsekisyon, oubyen li vin gen yon gwo laperèz paske l konnen lakoz ras li, chwa relijyon li, nasyonalite li, opinyon politik li, oubyen jis paske li decide entegre oubyen fè pati yon gwoup sosyal an patikilye, pèsekisyon ap sot diferan kote vide sou li.

Refijye a ak sila ki jwenn Azil la gen yon ti diferans. Premye a, (sa vle di refijye a) li benefisye stati sa a pandan li pa menm bezwen sou teritwa Etazini an, alos ke pou yon moun rive jwenn azil fòk li te déjà rive sou teritwa Etazini an, oubyen fòk li ta sou fwontyè Etazini an ap mande pou yo kite l antre sou teritwa a. Se yon fòk li ye pou Etazini ofri refijye a ak sila k ap mande Azil la pwoteksyon. Paske gen dwa entènasyonal ki egzije li pou li aji konsa. Selon dwa sa a, li pa fouti voye yon moun tounen nan yon peyi moun sila a riske sibi pèsekisyon. persecution.

Kijan m ka fè pou m mande Azil?

Gen de fason pou sila k ap mande azil la mande Azil nan peyi Etazini :

- **Gen sa yo rele demand afimativ yo:** - Tout moun ki deja jwenn yo nan peyi Etazini kapab fè yon demand «afimativ» devan sèvis meriken ki okipe sitwayente ak imigrasyon (Sèvis sitwayente ak imigrasyon etazini).
- **Gen sa tou yo rele demand «defansif» yo:** Tout moun ki swat nan detansyon oubyen ki nan pwosedi ekspilsyon (sa vle di yo pral voye tounen nan peyi yo), ni tou moun ki gentan rive sou fwontyè etazini, gen dwa fè demand «defansif» devan yon jij imigrasyon ak egzekutif ofis Imigrasyon.

Kondisyon w dwe ranpli pou w ka benefisye azil

Pou w ka benefisye azil la, ou dwe ka demontre :

- Yon pèsekisyon ou sibi (Fòk li se yon prejidi grav menm si l pa blije gen pou wè ak yon prejidi fizik)
- Yon «lakrent ki byen fonde» sou pèsekisyon ki ta gen pou vini (lakrent pou yo ta fè w mal si w ta retounen orijin ou)
- Lakoz omwen youn nan eleman sa yo:
 - Ras ou
 - Relijyon w
 - Nasyonalite w
 - Opinyon politik ou (reyèl oubyen sipozisyon)
 - Paske w fè pati yon gwoup sosyal an patikilye (tankou oryantasyon seksyel ou, fanmi w elatriye..)
- Lè zak sa yo fè pa Gouvènman an oubyen yon gwoup gouvènman peyi w pa gen kontwòl

Sa ki ka bloke yon dosye Azil

Men kèk rezon ki ka fè yon moun pa benefisye AZIL:

- Si ou rive Etazini, ou kite yon lane pase ou pa janm fè demand lan (sof si w ta ka pwouve yon chanjman sikonstans, oubyen yon sikonstans ekstraòdinè, ki ka eksplike reta w gen nan depo demann lan)
- Si w te al ret nan yon lòt peyi avan w rive Etazini.
- Si ou menm ou te yon pèsekite (ou te fè lòt moun mal), si w reprezante yon danje pou Etazini, si ou te komèt yon zak teworis oubyen yon krim grav nan Etazini oubyen nenpòt lòt peyi a.

Join BAJI's Bi-Weekly Virtual Asylum Support Webinar with the BAJI Legal Team! Scan the QR code or join us at <https://bit.ly/3xByv5g>. Email Juharah@BAJI.org for dates and time.

